

梅月堂集

六

LIBRARY

Opportunity

21

梅月堂詩集卷之十

遊關東錄

故城

牢落空城在摧頽問幾年已經麗歲月猶帶舊
山川老樹寒鷗號枯藤野鹿眠興亡棋一局成
敗不須憐

禮指空像有感

遠渡流沙域來從萬里天天王言不契麗主夙
無緣禪話翻華夏竒形慣竺乾拈香琢曲永古
篆吐清烟

禪燈

一點孤燈炯登床杜口時機鋒似林臨濟奧契
希夷始覺浮生幻多慚宿業癡禪心與禪大相
照幾人知

梵筭

八萬里程多少難五天何日到三韓字非蒼篆
終誰解紙異烏絲未易看寶匣似霑葱嶺霧曇
章應濕耨池瀾不逢重譯無人講只藝名香頂
戴觀

月夜遊中庭

夜靜無塵累
清空月正團
了無人我迹
多見性相寬
法海波初定
禪關夢已闌
箇中真意味
誰與話團藥

閑意

煖日烘窗紙
烏床釋硯冰
煎茶邀好客
說偈透禪僧
出定看新雪
經行擔小藤
自從逃世網
生事轉騰騰

坐禪

坐禪緣底事
掃却世紛厖
得意從誰問
同行正少雙
嗟余繫一域
恨不歷千邦
定罷行松下
寒

溪洒石砮

松林寺

松都

蕭洒松林寺僧閑客到稀
鳥啼春寂寂花落雨霏霏
地僻人窠少垣頽竹木圍
夕陽山色翠清影映朱扉

渡臨津

汀洲芳草正萋萋
鳧泛春波自在啼
柔櫓一聲鷺起去
夕陽猶在海門西

登臨津岸亭

柳岸江亭小登臨
清興多波聲自灑
灑人影正

婆娑磯淺魚吹荇汀遙鴈弄沙夕陽何處笛吹
斷碧雲窠

盆浦僧舍

漢京

寺在寒波上朱門映水濱一聲漁笛遠千里暮
江春香火僧年老招提佛宇新江湖雖信羨野
鳥性難馴

漁村

一江烟雨暗漁村滿浦腥風接海門何處釣船
猶未到半篙春水沒潮痕

歸帆

江口涼生正晚霞蒲帆个个飽風輕故鄉歸去
梨花趁一簣春酤細有聲

宿抱川人家

飄然一錫向楓嶠縹緲雲山入眼遙遣興且無
沽美酒愛吟時復度良宵孤燈窗外聞征鴈矮
屋籬邊看野燒鄰犬狺狺吠花下客心清悄政
無聊

暮投永平縣

小邑週遭圍四山短亭枯樹倚雲間暮烟展盡
峯千疊野水浸衫月半環人世極知身老大林

泉何處不安閑明朝更入桃源路勝景由來地
不慳

金化路傍樓上小憇

山童水疊路縈迴似入桃源洞裏來
小雨新晴搖麥浪野花初拆引蜂媒
仲宣樓上那無賦潘閔驢中正可
哈從此遊觀好風景看花登盡幾
崔嵬

長安寺

松檜陰中古道場
我來剝啄叩禪房
老僧入定白雲鎖
野鶴移棲清韻長
曉日升時金殿耀
茶

烟颺處蟄龍翔自從遊歷清閑境榮辱到頭渾
兩忘

表訓寺夜吟

玲瓏樓閣壓清溪巢鶴枝邊月影低半夜蜀禽
呼破夢聲聲只在老槐西

正陽寺

伽藍高且敞萬木運天長僧有支遠徒境乃菩
提場我來坐方丈峯巒儼而爽玉立百層筍朝
輝何晃朗烟嵐向澄霽詭怪難可狀或如僧遶
旋或如仙揖讓朝霞鮮且潔暮靄翠且深炫燿

莫可窮令人清塵襟禪老峻機緣小欄倚終日
話以本色談雜以玄妙說日暮不能返清磬出
禪室

看壁畫
古殿靜且嚴古壁丹青好蘇公菩薩閣吳子傳
神草依倚聽說法彷彿唱三寶何幸遊名山得
參真妙道藝香普歸依願早脫塵惱

真歇臺
真歇可真歇塵蹤淨如掃千峯俯可掇百川流
浩浩山鳥語青嵐令人心境灑長松蘚紋剥下

有皤皤老相對談無生雅妙多天藻搖談塵是
松敷座氈是草蕩我平生懷造我十年道和南
各分去小徑寒烟葆

百川洞

百川奔一洞駛注松杉下初疑銀河分復見明
珠洒列壑何杳冥峯巒走萬馬桂樹復連蜷幽
巖何甜間多有神仙迹了無塵凡蹤日晚愴忘
歸烟暝山巖從

萬瀑洞

萬瀑飛空漱玉花兩岸薜蘿相騰拏明珠萬斛

天不慳散此雲錦屏風間快笑仰看雙石碁一
洗十年紅塵蹤

圓通菴

禪境何瀟洒居僧只二三烟光吹不散灑氣冷
相涵地僻乾坤小心清夢寐甘掛筇留一宿松
月助禪談

真佛菴

以石名真佛菴中住老禪路回千嶂下人傍五
雲邊水石心無累烟霞景自妍行童煮山茗貯
月汲寒泉

寶德窟

銅瓦生衣銅柱高簷鈴風鐸響嘈嘈寶山巖窟
幾尺聳銀海波濤終夜蹕鐵鎖掛空搖嘎嘎雲
梯緣壁動騷騷焚香一禮心無襍疑是仙宮駕
六鼇

倚闌遙望意燥燥瞻禮真容豎髮毛境與靈臺
多不俗山同寶窟又重高虹垂萬瀑雷聲壯鶴
去三天翅影豪白石青松相映處依倚洞府有
仙曹

悅巖

緬想當年洗寶巾
圓融麗質正離塵
戲斟天上銀河水
接引雲間白業人
陝府曾留金鎖骨
楓城今現紫磨身
爍迦大願應無盡
千古芳蹤淨不堙

望高臺

歡甚忘疲上峭峯
高低列岳聳層穹
竒形禹鼎初移後
恠狀溫犀一燭中
獅子何年將奮迅
俊鷹當日欲浮空
攀蘿若不凌雲頂
那識楓嶠氣勢雄

萬景臺

攀危更上最高臺無限竒峯眼底開萬瀑洞中
珠歷落百川崖底玉摧頽火龍似向層空舞玄
鶴應從寶窟回人世難逢如此境傍人且莫咎
相催

圓寂菴

山中最深處妙境可圖看松絡垂千尺山雲在
半間地偏無俗客澗冽有飛湍坐久心如水烟
霞襯碧巖

國望峯

峯高草木被風謾連蜷施蔓亂似盤未見初聞

稱國望纔登遙覽竦人觀茫茫渤海盈於椀渺
渺山河大似彈始信尼丘天下小西江盡吸亦
非難

開心瀑

一道銀河落九天和雲漱月檜松邊夜深最愛
山中靜晴雨洒空人未眠

萬回菴

精舍傍烟蘿重構歲月深小亭松蓋偃短砌蘼
花侵竹木埋幽徑風泉繞遠林我來留半日清
境稱吾心

松蘿菴

松蘿烟壑老精舍政荒涼杜宇啼庭樹清香鎖
寶房緬思懷正事因憶解明方吊古如雲鳥禪
窓夜更長

無盡燈

一燈化百千千燈即一燈重重互相映如帝珠
相仍可比佛法海彼彼相交承我然一明燭誓
願燈舍弘願照無盡界普供無盡乘

施物碑

樹碑立功德古人今底歸陰廊蝸作篆古碣蘚

成衣往事模空去
流年捉影飛
居然成一夢
陳迹政依依

香茅

茅草細鬚鬚
香深帶露芽
春前猶帶穗
暖後細飄花
藉用看羲易
筭見楚些我
將為炷獻傳
信覺皇家

巢鶴

蒼崖栖鶴處
松老一枝歌
蕙帳空時怨
芝田秀處嬉
千年華表態
萬里碧空思
月露聲尤警
冲天骨格奇

聞鶴

萬里無雲山月明一聲嘹唳動人情
沙明水碧三清洞幾度乘風上玉京

咏四禽言

山中有四禽警於朝暮足以感人因以

警世

為誰趨利

為誰趨名利奔馳紫陌中
風塵惹人面榮辱怨天公
滿目悲生事臨歧泣路窮
不如唾謝去高卧桂花叢

亦莫把空

亦莫把空坐緇衣誤一身人間滅道理世上叛
君親胸礙三生事頭蒙百尺塵不如為俗子例
作一窮民

不如歸

不如歸去好何處可安歸宦路風濤惡侯門知
識稀為人長戚戚吊影正依依莫若甘吾分林
泉不履機

悲悲

悲悲當世事欲說更潸然百歲為他使長年被

累牽不知安是分底處樂吾天試語伊誰采
嚼悲繞樹顛

聞青鼠聲

月白靜無譁但聞青鼠聲緣枝何唧唧
趨樹轉營營聽爾驚殘夢憐渠歎一聲
空山同飲啄與汝得無情

復登斷髮嶺

嶺頭回首望白玉幾千層慶遇無塵界
歡心不自勝溪光明澹澹山氣轟稜稜
我欲參方了重來又一登

渡菩提津

江水今無恙清光雨後多
秋風漾微綠晚氣蘸
寒波舟似晴空點山如碧海螺
興來閑俛仰聊復一長歌

寶蓋山

寶蓋山容碧東州秋色多年光
急似箭人事薄於羅古壑烟嵐靜
長途歲月賒飄飄緣底事到處
即為家

石臺菴

攀蘿捫壁上雲梯菴古庭松一鶴
棲林下磬聲

風外切西峯殘照落寒溪

深源寺

古木千章下岑崟有梵宮
鳥啼庭樹靜齋罷客
廊空高岫夕陽薄小溪
楓葉紅行行皆勝地何
必哭途窮

渡大灘

渡口波清淺臨流可數魚
江山初霽後風月九
秋餘葦岸漁舟穩山城
古木踈前程何處是桑
柘暗村墟

大田途中

日暮人稀飢鶻鳴
途中秋思正崢嶸
何當一上逍遙頂
快得逍遙不世情

行宮址

烟埋野草草埋墟
曾是

先王駐彩輿
龍去

鼎湖雲已變紫藤
枯樹謾相擎

逍遙寺

路入寒溪洞千峯
落照明四山皆翠
律一澗正清冷
殿有金銀像僧多
雲水情上王曾駐
輦徑廢少人行

門前飛瀑

一道寒泉落遠峯對門常噴玉玲瓏
不回雲寂寞水聲牽恨和踈鐘

龍駕

紺岳晴雲

紺岳之山高插天縹緲洞壑浮雲烟千章喬木
蔭神廟一道飛瀑垂龍淵但聽踈鐘搖翠壁不
見老鶴巢層巔空濛似畫聚復散等閑作兩陽
臺前

道峯尖岫

峯勢嵯牙如劒鉞瘦藤老栢凌風霜幡幢杳藹
列梵刹雷電閃爍摩青蒼湛湛霜楓惱客眼霏

霏巖溜漱入腸望中不盡眉宇寒木落天高回
鴈行

三角祥烟

三峯高聳祐吾邦祥烟覆頂垂如幢列刹相望
映金碧滴翠濃抹浮軒窗惟嶽降神生甫申彼
蒼垂象臨鴻庀護我龍圖千萬世鬱葱佳氣衝
天柱

水落殘照

一點二點落霞外三個四個孤鶩歸峯高刺見
半山影水落欲露青苔磯去鴈低回不能度寒

鴉欲棲還驚飛天涯極目意何限
斂紅倒景搖晴暉

檜巖寺

古松藤蔓暗相連一徑深深入洞天
佛殿尚留三世火法門今絕五宗禪
崢嶸樓閣雲為鎖牢落庭除草作氈
勝境宛如那爛寺恨無人道祖燈傳

題東別室

扶踈庭樹有鳴禽蒼翠烟嵐禪境深
浙瀝泉聲漱井口參差松影落階心
香生銅鑪消清晝風

擺金鈴響晚陰自是禪家多雅趣十年曾是助
閑吟

指空衣鉢

流沙萬里入雷淵葱嶺千峯冷倚天鉢袋已沾
安石霧縑衣曾惹蜀賓烟辛勤萬里慈悲大撈
攬羣生性相圓膜拜莫將容易看西乾百八舊
青氊

懶翁衣鉢

燕代雲遊禮指空浙西提印又來東為人吐氣
禪林將對御談玄法海雄天寶霧埋松慘淡驪

江水闊月朦朧空餘衣鉢今猶在千古巍巍鎮
梵宮

看圓覺經

淨几明窓兩函經一條香線一銅瓶空中不覺
天花墜庭下似曾山鬼聽二十五輪觀已定百
千萬劫夢初醒那如拋去筌蹄法句外承當直
下惺

謝海師講經以水晶數珠為答

老師琢我明珠顯我報玲瓏淡水晶个个自有
清淨態試投泥滓亦分明

枉心驛

空館近東郊春風拂柳梢
烟迷桑柘暗路遠水雲交
草色村橋晚鷄聲野店茅
五峯今日去松寺鶴同巢

渡迷峽

渡迷之水青於苔關東道路何
遼哉橫擔柳標不顧人清江
影裏空徘徊江水江花眼底迷
兩白鷗同浮杯我曹自是淡
客人為家萬里心恢恢杖藜
扶我峽中走放歌大笑空翹
首不願簪笏絆身不前不願
芳聲耀身後直將消底破芒

鞵長願掛名匡廬阜春雲如絮春風起飄飄兩
袂渡江水時見一雙白鳥飛相鳴遲我清江止

渡龍津

澄江淼淼碧潭沱中有白鷗閑似我出沒清波
無个心慣聽渡口流柁咬咬嘎嘎兩兩鳴恍
然逐我凌風舸篙工赤憎擘柳風耳掩毛冠纓
下鞞浩然中流發棹歌江上春花何婀娜自從
遺世西復東胸中氣槩多磊砢畢竟底物為保
伍江外碧峯千萬朶

月溪峽

東風峽路惡，小雨落梨花。
江上山如戟，巖邊樹似牙。
人家依渌水，馬跡印晴沙。
棧道何時盡，蒼峯日政斜。

龍門山

龍門山色碧，稜稜寺在寒。
烟第幾層老，鶴獨棲松嶺。
月清泉閑澆，虎溪藤鐘聲。
老杜曾深省，波影神魚已。
上騰我欲駕，風凌絕頂白。
雲堆裏費青滕。

上院寺

古殿香烟合，三門獸鑰開。
庭空喧鳥雀，巖老襯

莓苔琪樹日應長
蟠桃春自開
淡然無外累
雅境似天台

竹長菴

高低石徑斜
岑寂有僧家
晚日照高樹
東風吹野花
溪流明似練
藤蔓曲如蛇
叅禮名山遍
道遙即我家

龍門寺

杜老招提境
桃花浪躍時
寶房香霧鎖
山室磬聲遲
石逕苔踪滑
巖泉蘿蔓垂
我日翠蓋屈于茲
王潜邱

神勒寺

梵宮松檜暗藤蘿門外滄洲聽棹歌
巢鶴枝邊山月白蟄龍巖畔渚雲多
蒲牢遠渡青楓岸金刹遙看白鳥波
薄暮倚欄回首望晚風搖落綠蘋花

驪江贈漁父

驪江之水清且漣澄淨無波涵碧天
遙遙遠浦暮靄橫漁歌聲入寒江烟
寒江烟淡遠山紫日暮漣漣碧鱗起
蒟笠蓑衣把釣竿貌古言唯儂
兩耳朝代興亡兩不知一竿明月蒼波裏
小渚

茫茫蒲荇長楊柳磯中釣鱸鯉機心已息侶魚
蝦激激灩灩江之水江水滔滔入海門俯仰堪
輿如一指烟波釣徒可與言世上功名徒爾爾

宿桐花寺

原州

桐花之山高插天桐花古寺浮雲烟山中老僧
自有趣卧看白雲生翠巔怡怡春日煖可人山
杏吐萼梅始仁澗底芥芽嫩如絲采采行厨蔬
盤新遨遊萬里秋復春野鳥啼處山花嘖東望
青峯倚碧天嵐光滴翠空嶙峋世間萬事屬春
夢我向五臺尋隱淪仰天大笑浩然去我輩豈

是虫臂人豎
古州途中
春風一錫向關東
路入原州烟樹中
公館人稀
車馬少長亭雨過
海棠紅十年道路
雙鞋盡萬
里乾坤一橐空
詩思客情俱攬我
况聞山鳥語
花叢
雉岳崢嶸聳碧空
烟霞明滅有無中
一泓春水
莓苔滑屣文蒼崖
躑躅紅路轉層峯
殘雪在巖
迴石棧晚雲濃
青山處處行應好
脚力有窮山

不窮
宿覺林寺
自笑清寒謝塵迹
乘來自看山
齊際西千里
曾飛筆
各向關東曳雙屐
覺林自是古招提
松檜陰中聳樓閣
玉筍巍哉插高鍾
珠簾浙瀝搖雲窻
丈夫未死愛速遊
豈肯兀坐如枯椿
且窮勝景作平生
其氣萃律何由降

芳林驛

古驛深山裏
蕭條有草亭
薺花生麥壠
莎草擁苔庭
嫩綠澄波淨
堆青列岫暝
為尋雲水窟
佳

景妙難形

王女大和驛

客路多迢遞蒼峯愁殺入斷橋
寒柳暗古道野
花噴瓶錫千山裏江湖一隻身
白雲閑適態曾
是舊雷陳香畫
重重來遠水東
風吹衣襟

珍阜驛

去去春山裏春山花正濃
一瓶擎一鉢瘦影荷
瘦筇人家烟渺渺驛路草茸茸
何處堪真隱碧
峯千萬重

山東省原

燒痕芳草綠初均，無數名山眼底新。
古木蒼藤尋羽客，落花流水問秦人。
溪邊黑壤生紅木，澗底青泥迸紫蓴。
未到山中先滿意，五峯烟抹聳嶙峋。

月精寺

古殿香銷春晝長，重重花影在東廊。
上方松偃僧來寺，禪室客稀雲度牆。
珠網玲瓏裝寶樹，天花縹緲落猊床。
仙山迥與人寰隔，願學青囊殄玉方。

百丈砮崖水又洄桃花怒浪激如雷滿山躑躅
紅於燒正是禹門魚曝腮

上院寺

亂山疊疊水洄洄中有祇園紺宇開天淨瑞雲
騰輝赫地靈嘉草孕胚胎香煤斑剝薰金殿泉
液淋漓釀紫苔最愛橋樓明月夜數層峯裏杜
鵑哀

中臺

虛閣玲瓏鎖紫烟庭花爛熳草芊綿優曇瑞萼
敷三界無頂祥光射九天風過焦桐聞梵語雲

低金甕降真仙磬聲遙與松聲合宣說如來不
二禪

西臺

廣長舌相本非身金色如來假也真山色蘇仙
曾有偈松柯韋偃已傳神于筒淨水消如玉瑞
應香花大似輪髻衆峯雲影裏天姝衣被供
清晨

南臺

麒麟峯色碧摩天菩薩巍巍頂相圓歷歷金鈿
搖月下飄飄毳服颺雲邊花敷蓮界香成雨雲

布金沙福有田今夕喜叅弘願海一龕燈下坐
觀禪

東臺

雙竹叢邊大士身元來不住寶陀山
悲心長救微塵累願力幾回生死關
兩臉丹如霞半點雙眉曲似月初彎
圓通門戶何曾閉只在輪誠一念間

北臺

象王山色倚天端繚曲幽深氣鬱盤
麟部獨棲雲片片羊車單駕月團團
石床平處苔花點巖

溜飛時瓊屑寒人世幾回風浪惡不如來占一
層巒

大嶺

此嶺以東稱嶺
以西稱嶺西

大嶺雲初捲危巔雪未消羊腸山路險鳥道驛
程遙老樹圍神廟晴烟接海嶠登高堪作賦風
景使人撩

丘山驛

驛亭依小巘花木更清幽麥壠將雛雉桑巔逐
婦鳩年光隨處好歲月苦奔流耐可從仙侶看
窮海上洲

弘濟院樓登眺

江陵

十里鶯花古院深
倚樓終日費清吟
煙生遠浦回漁艇
風定晴波浴水禽
草色蒙茸侵巷陌
柳條腰裊壓庭陰
樂家茅舍渾如畫
都在青烟翠竹林

江陵

鷄犬連鮫市
桑麻接海門
腥風吹晚浦
漁艇返花村

啖竹筍

生長京都又北遊
初看新笋迸貓頭
披烟曉折

連根脆帶露宵抽抱籜柔却喜今朝參玉版還
愁明日化青蚪不妨嶺表長為客飽飲琅玕一
味羞

文殊堂

寺在東溟碧浪涯野棠花裏鳥喈喈白沙翠竹
寒相送青海黃茅風正颿古佛有靈能善幻居
僧無事坐清齋禪宮亦似入窠變古砌草荒雲
半埋

白沙汀

依依烟樹似雲屯沙軟風輕十里原島影正同

雲影杳松濤長伴海濤喧烟開鯨口波聲壯日
射鼇頭曉色暎汀畔白鷗閑似我忘機相對弄
春暄

寒松亭

海風吹斷浪滔天松作雲和意外絃敗砌草埋
狐兔過野棠花落鷓鴣眠神仙舊迹桑田變塵
世浮生甲子遷獨上高亭回首望蓬萊島在五
雲邊

鏡浦臺

萬里扶桑望眼賒蒼波淼淼蘸朝霞秦皇謾愛

三山藥漢使空浮八月槎
白浪滔天鼇背舛紅
雲插地蜃樓斜
從今陡覺仙遊壯
杯視東溟碧海涯

青鳥

青鳥來鳴遶竹叢
一封書到白銀宮
丹成羽客朝天帝
芝秀飛瓊駕綵虹
寰外十洲渠已見
人間萬變屬虛空
歸時煩語西王母
幾劫揚塵碧海中

鯨戲

皦皦日出扶桑埃
紫氣散空成錦綺
雲收霧卷

景澄霽碧波森森千萬里長鯨駕浪舞滄海一
吸已盡東溟水依然振鬣駭浪頽白虹貫空聲
如雷夷猶恍惚渺莫狀紫鳳奮翮相轟颺白也
騎背甫聞訊搜竒摘恠游蓬萊我欲虹竿明月
鉤千牂作餌殲其魁博施四海充朝饗快我一
生豪縱胸鳴虜志大已濩落孤孺獨立噴坑峯

日出

君不見桃都之山金鷄鳴煌煌陽谷飛耀靈大
如車蓋浴滄波蒼蒼涼涼麗東溟東溟之底蟄
龍吟汨汨瀟瀟天晦冥羲和御轡殿不昇欲上

未上清氛騰跋烏天矯奮兩翅半空颺彩何凌
嶒扶桑條遠紫霞蒸左界閃爍推紅輪人間光
景駒隙耳韶華未盡雙眉斂欲繫長繩繫其鼓
萬八千歲為一春願令四海羣億兆壽等大椿
無殤夭歌竟流霞充我勝華生五臟滄溟小

尾閤

大地茫茫依如何地下八柱相交加空洞無底
又無垠大塊斡運無有涯天壤之間水居多
川衮衮無停波我昔天遊大方家裨海外有大
瀛海瀛海洋渺無渙但見日夜流浼浼浴日

滄星涵大陰，包括奧區其器大。不盈不竭泄尾閭，奔流瀕洞聲磕磕。四萬里間沃焦壑，赤縣神州浮一葉。固知觀海難為水，井蛙聞之已驚懾。安得置之輪囷膽，消盡人間愁萬斛。

鮫室

世人徒見五岳雄，巍峩叢業方輿中。不知海底有高峯，嶮巖嵌巖沈空濛。洞壑窅窅石竇深，中有壯麗鮫人宮。螺貝蠙珠相陸離，眩目不辨青與紅。珊瑚交柯蔭階庭，琅玕碧實垂簷櫺。洞房幽邃戶半扃，但見機杼聲玲瓏。織成冰綃萬丈

長裁為玉皇白霓裳霓裳裁了剪刀寒水晶簾
外飛寒霜閑拈一幅賣人間為掃人間煩熱忙
臨別彷徨泣珠去碧海無際天茫茫

蜃樓

君不見蓬山之側屹嶸山相粘百千光爛編中
有車螯大如盤懷珠深隱巉巖間吐氣葍惹成
樓臺凌晨翠律紅雲端倏忽變化渺難狀青紅
相雜形闌珊或如阿房複道橫高仞殿閣施珠
欄又如玉京十二樓天妃舞袖低盤桓五鳳齊
雲邈以遠望春結綺埋荒草是何神物啣機捷

架出千層聳清昊不是鼇背蓬萊宮便是青霄
水晶闕須臾散盡不見蹤但看海上新浴日

天琛

君不見今夫海一勺水多何齋哉及其大也渺
無渙日夕巨浪聲如雷深深之底氣滋涵百千
珍寶含胚胎鮫人一泣萬珠滴老蚌千歲孕明
月蠙螺璨璨珊瑚秀光芒相射流勃鬱驪龍貪
鄙不遭睡淵客慷慨猶飲泣波斯莫採離婁失
至寶豈可容易得已聞徑寸照連乘復道一雙
酬連城我亦當年懷瑾徒却恐闇投人或驚不

能披腹呈琅玕且藏侍價終吾生

水怪

茫茫瀛海無有涯紛紛水怪相騰拏鼓喙磨牙
怪竒竒萬狀千形何啻砢暉暉朝日上扶桑蜃
吐樓臺鯢作梯水族揚波奮鱗翅譎詐不待温
然犀掉尾遊者赤鱗子蹒跚走者鼈長史六鼈
戴山舞且抃大鵬水擊三千里陽侯鼓浪火龍
游白澤文鯨齊矯頭百川倒流尾閭塞鼃鼉肩
負鯨吞舟壯哉浮天浩渺中有此得意夷猶儔
雲海空濛不可狀但見異氣浮滄洲

歎桑田

此日忽已過明日又復來遷延隔幾劫荏苒年
光催天地終有數滄海揚塵埃終然作桑田變
化無暫停所以有道者怡暢忘其形浮游六合
外保此龜椿齡欲學却老方一聽黃庭經

嘲精衛

嘗聞戮禡山有鳥名精衛常舍西嶺木填海救
炎帝苦心竭東溟發憤經幾歲豈不量其力志
大終不替雖然知爾癡百川其可防衆流常混
混日夜奔蒼茫逞爾方寸心徒使腐爾腸

聽天鷄

東海何所有蟠桃三千里枝葉相扶踈邈與扶
桑峙天雞栖其巔喔喔鳴杲日一唱衆鷄應六
合皆昭晰孜孜善惡間人事紛如髮我聽爾之
聲起舞喜跳跣功名一醯雞萬物皆一指聞汝
且自省飭身修福履

懷蟠桃

萋萋碧桃樹夭夭千歲花不待笑春風燦燦蒸
朝霞結子綴繁枝爛熟三千年漢兒謾三偷詎
語人相傳塵世苦紛紛日月又不延常懷千歲

憂汲汲長熬煎願登度索山得核栽堂前

嘲徐市

人生但百歲壽夭且在天焉能人世間盡得彭
篋年三山誰所見仙餌誰所傳柰何一匹夫欺
詐萬乘主一舸入東海漂渺無人覩三千童男
女呱呱啼且隨遂使千載下緬懷良可悲

哀秦皇

秦皇滅六國珍寶羅如幟驕心常易盈不能遜
其志東巡頌功德立石巖神秘自謂致大平不
勞持神器且以百年壽錯認延萬歲炫惑銷化

術求藥三神島阻風赭湘山為計何潦倒至今
驪山下石馬埋春草

望三山

朝登海上峯遠望三神山雲海渺空濛素濤浮
漫漫煌煌白銀宮燦燦黃金闕飄飄仙侶遊藹
藹烟霞爍瓊樹瑤花開碧桃甜如蜜世人那得
知相傳孟浪說安得奮八翼一覽窮遼闊

遊仙歌

駕鶴逍遙海上山蓬萊宮闕五雲間人寰正在
風波底百歲勞勞不自閑

朝遊聚窟暮玄洲袖裏青蛇紫氣浮試問東溟
知幾變三山水淺露蓬丘
月窟孀娥不自由桂花閑伴度春秋水晶宮裏
霓裳奏憐是雲收十二樓
一雙青鳥下雲端來報瑤臺宴未闌天上碧桃
知幾熟洞雲閑鎖禮星壇
醉呼仙女董雙成王母何時下玉京紫芝初秀
蟠桃熟風引空中打麥聲
曾隨玉女渡天河記得鈞天第一歌來播人間
應未識閑吹長笛入烟蘿

清夜遊五臺

山中夜將半寒露襲衣裳宿鳥驚殘夢流螢過
短墻烟收萬壑靜月白五峯涼何處堪真隱松
杉十里香

懶翁裝包二首

勤師入燕代跋涉千萬里飛錫渡江南長年作
行李為法不憚遠挑包江湖裏叅箇本色人痛
念生老死晝夜十二時念念無間斷所以製香
槃點檢寂寂與散水邊或林下以此長為伴遙遙
清夜長寂寂啼禽猿覩此慕古人蕩我心塵昏

右香槃

古木小禪牀僅可容倦膝伊昔江月翁腰懸向
江浙叅見平山老升堂入其室竭來海東濱高
卧山中雲掛之菴壁間用策同遊勲自從蕙帳
空拋擲誰人顧繩斷嚙於鼠脚敗侵於蠹我本
癖好古撫摩徒仰慕音響邈以遠追戀逾崇樹

右繩牀

咏狐

落日千巖畔風嗥似訴冤荒郊為美女古寺穴
頽垣善聽嫌冰陷宣威假虎尊莫言妖媚物燕

墓聽高論

初構小堂

小堂初卜築庭樹聽鳴禽已賽三生願曾參一
箇心洞雲橫疊巘山雨霽空林嘯傲無餘事南
窓日欲陰

摘蔬

菜莖立如束菜心肥如玉薄言登北嶺采采筐
筥足小鬻火初沸爛煮香豉泣飽飲大官羹那
及溪邊藪誰知白雲中自有清虛福

山中有淳老年高知法對話數日

一話松窓千古心箇中無有去來今謾將庭栢
為禪旨誰道溪聲演佛音撞倒語言方解會消
磨習氣始參尋西來直指離文字悟了何曾論
淺深

山中有如老住山已久尋訪相話

如老住山今幾年霜眉皓首坐枯禪任教松子
榻前落閑看廡齋床下眠三十年前參箇事百
千劫外透那邊遠公自愛東林月輕挈銅瓶汲
小泉

山中有田禪老言旌善亦有碧波山最好

可以棲隱

人言旌善是朱陳
民樂耕耘壽域春
况有碧波山岩亂
可堪棲隱養天真

渡白楊津

平昌

白楊津晚渡
波淺石粼粼
牧笛烟村暮
漁歌秋水濱
蒹葭含白露
黍稷弄黃雲
寂歷山城裏
砧聲處處聞

宿平昌館

歲暮獨遠遊
平昌孤館秋
梧桐搖檻外
蟋蟀語床頭
已歷江湖遍
頻驚歲月遒
客懷誰與話
窻

畔雨湫湫

渡馬蹄津

野渡無人風滿洲
白蘋紅蓼映漁舟
江楓湛處波光冷
籬菊開時野興幽
牧笛剩生關北恨
征鴻叫向嶺南秋
蒼崖兩岸渾如畫
十幅蒲帆入石頭

高山寺

野寺僧偏少
山深路亦窮
酸梨經雨落
甜果帶霜紅
石逕微於線
雲裝轉似蓬
身為萬里客
心逐一征鴻
嶺北飛稠錫
湖南駕列風
耽遊廣漠

野自喜臃腫躬何處堪投隱烟霞萬木中

客中望中秋月

中秋何以慰清愁一味新茶滿玉甌丹桂幾經
寒暑變冰輪應輟古今秋夜談牛渚追前事乘
興南樓憶舊遊來歲不知何處看十分流彩遍
南州

遊山家

山家秋索索梨栗落庭除秫熟堪為酒菘肥可
作蔬飢鷹號老樹羸犢啣荒墟日晚喧雞犬前
村過里胥

泛舟

水國秋風起山城歲暮時衝烟初解纜載月又
吟詩野水二三尺江楓千萬枝偶然乘興返雲
外暮鐘遲

鷹巖窟

古窟烟霞繞清江魚鼈浮鶻巢蒼蘚壁鳧浴白
蘋洲地僻人蹤罕巖高樹木膠可堪棲此地伴
麋狎羣鷗

循岸徐步

荻花楓葉亂颼颼行遍江天九月秋漠漠釣磯

眠水獺蕭蕭枯葦叫沙鷗漁歌一曲渾無腔牧
笛三聲暗帶愁此夕關東須盡看明朝雲水是
南州

遊寧越郡

寧越山川險雲烟隔嶺南峻峯連太白遠岫深
深藍崖蜜輸民稅山桑飼野蠶居人無巧詐淳
朴且癡憨

登酒泉縣樓

高樓遠望獨徘徊江鳥雙雙去又回小渚草深
迷釣艇長空風緊落庭槐吏呼遞馬聲初急客

向遙程語正催未到此鄉名已好誰家醪酌似
淋灰
逢人為小留秋風黃葉墜扁舟可堪客裏
重離客長笛聲聲正替愁

問程前村

山村梨栗熟稚子喜收園鳥雀爭枝鬧牛羊下
壠喧晚禾連巷陌秋社饒雞豚主亦儒冠者逢
人語正溫

途中

南國秋風
...

...

關東山已盡南國月初圓眼底峯無數腰間錢
又纏長年席不暖竟日肺生烟遊歷何時遍團
茅息萬緣

宕遊關東錄志後

我國地雖偏狹山水清麗達人君子之所景
慕者也夫子欲居九夷至有俗語中國人云
願生高麗國親見金剛山以其泉石蕭爽可
滌鄙悵之胸故也余自關西又入關東遊金
剛五臺以尋形勝山形竒詭溪色玲瓏以至
開心之飛瀑楓嶺之白石鳴淵之溇泓皆可

洗人心目而洞深樹密俗子罕到則五臺為
最又江陵東域鏡浦之臺寒松之汀乃仙者
之所曾遊嬉處也適是日雲收風止天清海
淨鏡空無際極扶桑之隅壯心目之觀以吾
身擬之正蘇子所謂寄蜉蝣於天地渺滄海
之一粟者也有所恨為同伴所牽不能遨遊國
島三日浦叢石亭後日重遊必先見此以愜
余今日之懷死亦足矣所謂浮雲踪跡倏忽
西東故致然耳庚辰秋九月清寒志

梅月堂詩集卷之十

梅月堂詩集卷之十

...

...

...

...

...

...

...

梅月堂詩集卷之十一

遊湖南錄

過清州

飄然一錫過清州
葉落孤城萬樹秋
江岸草枯眠並鴨
渚邊沙軟下羣鷗
詩情老去偏枯淡
客恨侵來剩白頭
何處嗷嗷數行鴈
拂雲隨我向南洲

暮投開泰寺

梵宇荒涼宮殿開
黃昏蝙蝠亂飛來
侵階野草逢秋老
滿砌寒花着雨摧
古鑊尚經麗歲月
斷

碑曾歷幾風雷丹青剝落銷香火須信昆明有
劫灰

謁灌燭大像

路上遙觀一笑新偉人千尺聳江濱不辭倦脚
尋山逕却欲清齋禮梵身寶髻正濃搖日影天
花初墜旋風輪奔流幻海為砥柱屹立堂堂經
幾春

息津縣客舍遇盧文學因次其韻

思慎

浮世風波如許闊青松白石遠人間舊遊踪跡
如春夢得失多慚不出窠

柳標飄然山上去掉頭不肯留人間一菴
自有蒲團在何用芒鞋遍九寰

葆真居士

宿參禮驛

半生長以路為家萬水千山眼底賒孤館夜深
看好月小庭風過掇殘花雲收碧骨波如鏡雨
過金堤麥始芽聞道海濱秋不老澗邊綠草細
鬢鬢

有仕宦於京者忽忽還鄉因以贈之

宦海波濤萬丈餘脫身歸去意何如雲迷蘆嶺

家山遠霜重珍原橘袖踈莊舄越吟忘富貴季
鷹秋思為尊魚五更孤枕醒殘夢月在西楹命
駕車

鶯谷驛

棲鵲查查遶竹林驛亭秋暮惱人心一聲嘹唳
江邊笛何處丁東月下砧玉露正溽蛩韻切金
風初起客情深旅窻燈下清無寐時聽征鴻寄
遠音

金溝縣

秋深紅葉映金溝風動幽篁葉葉愁山色可人

供賦咏松聲入耳作筭筭十年客夢多於絮千
里行裝漾似舟數點青峯何處是楞伽遙倚海
天頭

宿金山寺

雲氣微茫洞府寬縈林絡石響鳴湍中天星斗
明金刹半夜風雷繞石壇苔蝕古幢微有字風
摧枯樹晚生寒愴然一宿招提境烟裏踈鐘韻
未闌

途中見蘭委棄於草莽哀之而作

秋風何撼撼白露凝為霜眇彼猗猗蘭委身荆

棘傍幽香清且芬綠葉秀而長竟夕獨徘徊臨
風增永傷我欲賞真趣倚操彈清商朝采紉余
佩夕飡充飢腸與我同襟期歲寒毋相忘

歸信寺壺

烟埋秋草夕陽中獨立空山思不窮壞塔已無
花雨瑞斷碑猶帶薜蘿叢幾年成敗隨流水千
古關河送去鴻世上興亡皆若此不須懷精問

天公

遊內藏山洞

烟霞一逕小山氣晚沈沈林下磬聲遠澗邊秋

色深詩情隨處好異境杳難尋白石蒼苔畔流
泉愜我心

靈隱寺

我來洗足上禪牀樓觀參差照夕陽寒碧竹梢
經小雨殷紅柿葉著新霜僧叅杜口維摩詰客
擬移文孔德璋寄語西山好風月剩將佳趣入
詩囊

宿龍窟

小洞雲煙合寒巖草樹深蕭森風竹爽斷續晚
蟬吟湖海三年客雲山一夜心上方清似水雅

合撫瑤琴

井邑縣

煙霞古縣小鷄犬四鄰喧棗柿明村徑松篁鬧
堉垣秋深藤葉老雨過菊花繁蕭洒行裝淡吾
生政不煩

踰蘆峴日暮

數竿紅日照羊腸風樹寒蛩號夕陽客裏情懷
三月絮路中行色十年霜煙橫小嚙行人絕月
上尖峯古木蒼從此湖南探勝景剩看籬落橘
橙黃

過彌勒院

草樹暗黃昏人稀閉院門牛羊驅壠下鳥雀聚
林喧野屋依疎竹禾畦咽老蠶江山遊遍後息
慮欲忘言

與金直講話舊

二十年前學泮宮青衿濟濟道相同舊遊重話
還堪笑時事因談欲作龔千佛名經君掛籍一
爐香榻我觀空若論世諦應多俗且拂絲桐彈
古風

長城縣

秦築長城萬里餘，蒼生何事役籛籛。爭如天設
關河險，海上夷酋畏簡書。

丹巖驛

竹裏茅茨數十家，籬邊蘆葦長新芽。芭蕉半敗
風霜裏，芋栗新肥澗谷涯。館吏急呼催迺馬，稚
蜂聚鬧報朝衙。無端拾得江湖趣，倚杖閑吟日
已斜。

咏百濟故事

百人濟海
而來居

伊昔未有國，原隰何晦晦。丘壠暗松櫟，墳衍豐
蒿萊。獸蹄鳥跡交，渺莽鴻蒙埃。百人自中國，遠

渡滄溟來以長為其首孱者趨為民鑿井又耕
伐種築開荒榛是為古百濟風俗何庖淳

甄氏起於完山

甄氏城完山意氣何豪凌朱衣何處翁托迹神
降凝革舊自鼎新握符治黎烝北接漢江濱東
至頭流陵剛強人不侮富庶心不懲侵彼斯盧
境龍虎相猜憎卒被梟鏡禍魚爛相分崩

三子囚父於金山

姦臣啖三劒三劒真甄人欲紹癡壤精夷坦無
彝倫恃強欲自篡罔畏高高旻纍父胡神祠視

國如拾塵赭彼海岸松未足書其惡挹彼滄溟
波不盡浣其毒皇天卒降威假手扶蘇麓

甄萱來奔於高麗

厥初欲鷗張其終戢鱗翻禍自起蕭牆奔我錦
城域蹇蹇庾將軍高麗真羽翼率萱泛海投麗
王賜食邑始云王足下卒稱甄臣妾哀鳴懲我
懟聲罪整兵率伏刃無其辭遂平百濟國

麗祖聲罪於黃山城

皇天假有命雷霆馳南陸爰業黃山下白日轟
霹靂渠魁來俛首賫從賜田爵矯矯王侍中堂

堂心不悚以彼畏上帝誅殘剔民病四境率稱
臣宛如周會盟剡却三韓窠肇基高麗正

珍原鎮山有老僧信行欲築精舍以印月
名之

山中有一老貌古真竒絕對我語入神竹枝洒
寒雪行裝政蕭洒詩軸與衣鉢自言老侵尋欲
掛金環錫棲遲泉石邊飽我一生樂陟彼山南
麓岑深最聞寂可以誅茅茨清溪且卜築煩公
請安名耀我小蝸角我時少從容揭之以印月
觀彼萬文潭風靜波光徹秋月印其底罔罔頗

清越觸之不可散蕩之亦不失可比老師心道
義逾激烈豁然徹本源不生亦不滅靜觀萬像
澄印我方寸地到頭竟難名名菴聊以寄他年
放下着是亦渾閑事

栽松

岩翁憐汝歲寒心栽培山門意更深庭院無人
聲可愛簷檣篩月影堪吟會見承春沾雨露不
妨得意近床琴他年老我重來此須化龍蛇聳
百尋

有惠斑箬鞋者謝之

挑絲織履箬為趾，輕涼緻密端可喜。一生曾着
幾緗鞋，翫水遊山苦行李。不惜根斷道路艱，雖
餽苴蕒謝無已。况復彎彎半蟾影，產出歲寒錦
棚裏。犀紋粲爛爪瓣精，个个新若不忍履。我欲
西遊海上山，氷石嚙足難躋攀。感君惠我一雙
屨，何啻贈我雙金盤。白韞青滕為君補，不妨躡
足登噴岬。願因余懷永不忘，死生作契如芝蘭。

佳城寺羅漢堂與僧話

珍原

風靜疎簾月滿堂，煎茶軟語坐筠床。半庭殘雪
留人跡，一樹寒梅著夜霜。欲拋機心皆是妄，擬

遣塵慮亦能狂世間夢想何窮盡且作新詩笑
一場

遊羅州牧謁太守

錦城花裏作春遊花底笙歌蕩客愁官路小梅
經雨折驛亭絲柳被風羞陣雲橫海時聞角珪
月當窻獨倚樓日暮湖南倍惆悵五雲西北是
神州

錦城祠

古廟空山裏春風草樹香烟雲增壯氣雷雨助
威光缶鼓祈年樂豚蹄祝歲穰老翁扶醉返白

酒漉神床

海市

地饒漁鹽利腥風接海門孤城臨浦口小艇入
潮痕竹暗懸魚市花香賣酒村人隨鴉影散雞
犬鬧黃昏

靈光郡

傍海皆城郭人家近水村竹藏蕭寺路花暗郡
齋門麥浪風前軟溪流雨後渾湖南春已遍惱
殺遠遊魂

登楞伽山

海上重峯瞰大洋登臨處處割煩腸十年錯被
風塵縛晚學修仙却老方

四聖顛

古木風烟老回巖竹木繁苔花經雨潤榭葉遇
風翻春水添蛙井峯上有天花雨給園高峯搯
杖望清味欲無言

不思議房

有真表律師
剝皮圖像

雲梯垂百尺層底有禪房下瞰疑無地回眸却
有蒼剝皮誠不盡圖像表難忘面目尋何處空
山草木長

來蘇寺

梵宮倚山隈夕陽樓閣開僧尋泉脉去鶴避茗
烟迴寺古松千尺山深月一堆無人堪問話庭
畔獨徘徊

山犬暮吠

邊山有犬遁入
巖穴經年不出

信信山犬吠巖窪雲返松關日已斜狗亦有心
忘物外世人何不避喧譁

丫峯獨居

分與閑雲共一窩懶來初學服松花千山黯淡
煙如縠萬木扶踈岫似丫菲愛禪師葺鬼窟豈

耽方士鍊丹砂時行時止無非道窻外遙岑一
望賒

尋插槍洞禪老

北壑有禪老久懷巖窟心寂寞坐枯禪歲月深
復深我欲叩禪扃境幽難可尋上有百尺松下
有千歲復因之揖清芬彈指去來今

復俗
作蔘

青林寺

煙鎖危峯松檜深入言曾是古青林高僧住久
言多幻泥佛經年亦剥金絕澗松聲醒俗耳碧
潭蟾影空禪心桂叢偃下誰同隱騰倚麝麝與

野禽

海堧

滄海渺無涯
潮聲連古今
魚蝦時出沒
鷗任
浮沈一葉漁
舟迥千峯落
照陰客愁和
暮角偏
帶夕陽砧

望島

三山不可尋
十洲不可見
乾坤日夜浮
島嶼橫
一面暝色若
可掬波光若
可挹我欲挾
東山足
躡虞淵域我
欲附大鵬手
搏天池側浩
氣難可
收長歌時一
喙已消十年
釣鼇心浪游
一片青

海曲他時投老住山阿盡說壯年眼界廓

龍溪寺

杖藜遙上龍溪寺古木千章松逕深竹鎖洞房
人復靜箇中真沒去來心

其時多有詩
集今失之

川原驛樓

原平宜遠樹曖曖接人家地饒田收秫山低貢
有茶蘆峯雲黯淡楞岳岫槎牙收拾江湖景登
臨日半斜

居山驛

小驛深秋裏庭空黃葉飛土肥桑有子官冷印
生衣竹密宜棲鵲簷低穩落暉厨人供黍畢相
送掩朱扉

登古阜城

古阜城西斜日低海天無盡漾玻瓈律湖波淨
浮鷗鴈荒壘煙收動鼓鞞邊塞絕烽傳箭少廢
園無稅貢科低登臨且喜吾
王化鷄犬桑
村人醉携

扶安城樓

城樓臨海壯旭日照欄干島嶼連雲遠乾坤入

海寬干戈長載戢士卒正平安日落鳴刀斗水
風吹正寒

寓居山驛看杏花

杏花枝上有鳴鳩天外斜陽影半樓樓上玉人
橫短笛一聲吹落綠楊洲

病中

客中還有病病裏惹清愁誰訪維摩詰元非冉
伯牛巫言鬼見嘖醫道風中頭兩語俱皆錯詩
窮是我仇

元監司遣醫問病

孝然

太醫問病到云自監司來竹裏一間屋花前三
茗杯辱言還自謝投札眼重回息波何以報粉
骨似塵埃

與高經歷留川原館

台彌

相逢談笑十年心一夕情懷直抵金京洛樂時
來遠域江湖何處費清吟天涯芳草生歸思日
暮梅花落別琴何幸此身無繫縛竹房風雨共
床衾

崔安撫使來訪居山寓舍因贈

景禮

泮宮東北舊親鄰千里南州訪一身蝸舍只今

無恙否過墻紅杏已生仁

贈鄭奭先輩

泰仁

有客屢相訪歡笑恰如舊來携太和湯已止無
明酒高談驚四筵多聞喜三友日暮更挽袖共
看月入牖

全州

甄萱舊邑是全州牢落風情萃一丘古壘夕陽
荆樹短新亭春雨麥香浮掛弓平壤心何壯捐
劒黃山意尚憂麗濟相爭何足議
龍飛當
日大椿秋

萬景臺

萬景臺上好風煙十里平湖在眼前千古興亡
碁半局百年成敗草連天落霞孤鶩暮山外斷
雨片雲殘照邊景物自然多感慨上方鍾磬正
清圓

東亭勝會

風流佳士集東亭詩酒琴棋笑倚檯釣得錦江
三尺鯉夜深迴棹月浮汀

天王寺

香火煙銷春晝閑幾年風雨鎖禪關淒涼不見

天花落明滅時看野鶴還苔濕虛堂悲佛毀藤
盤敗壁認僧殘壞空自是緣生理莫怪梵宮頽
闌闌

錦江牋

卽全州紙

錦江春水膩魚牋閑製新詩寫數篇鉅筆一揮
雷雨動白雲堆裏活龍翻

花巖寺垂絲檜

僧傳指空所植西域栴檀
米也僧以棘圍之在高山

簇簇垂絲條榦長幾年山頂傲風霜氣含芝朮
胚仙骨皮剥龍蛟繞佛堂聳蓋豈因權勢重圍
荆多有侍從郎不妨傳語栴檀樹半夜空庭聞

瑞香

題清州慶生貧家壁

延

庭畔棗紅籬菊黃更堪相對白衣郎先生不是
全貧者芋栗滿園樽酒香
世緣日薄道根深窻外青山床上琴天末半竿
西迫日動君純孝奉親心

讀元史

朔漠江山入版圖生民何計拜夷胡渡江豈無
收長策事去陳張奈可扶

陳宜仲
張世傑

元祖初從幹難河收燕滅夏撲蠶蛾寧知淮右

天兵動逐盡胡雛第十窠

與趙進士因戲相謔

籟

子困西原籠裏禽我今遊傲困山林相逢勝負
吾先報宋紱應來慰子心

困雖厮奴牧豎爭精研入理悟平生時窮致命
須看易遂志可終君子亨

黑白相搏道路危有言不信向安之三雖不見
其妻禍九四徐徐援有時

放鶴

鍛翮由來歲月深幾回腸斷九秋心得時汝必

稻梁誤別後我添悲嘯琴萬里雲間天路隨一
聲嘹處海山嶽從前已識鷄羣詫更向碧峯高
處尋

放彩鴨

萬里湘江闊雙雙任意浮多為口腹累應唳稻
梁秋錦翼悲來瘁和聲繫後愁從今恣飛去好
向白蘋洲

獵圍

霜兔迷離滿北林將軍鳴鏑駿蹄駸鶻翻勁翮
雲間沒盧帶金鈴草上尋千騎貔貅夸壯氣一

聲簫鼓整人心歸來環立傳觴醉緩奏胡笳月
下吟

討蓴

童冠能漾小扁舟討得龍鬚滑且柔菰飯香羹
方下筋季鷹今日杼清愁

菩薩寺

野寺自蕭條回雪入廊飄香火多時廢蓬藜盡
日燒細泉連竹筧踈樹偃僧寮佛舍猶成壞人
心難暮朝上入

寺庭看楸花

去歲初看葉落時，纍纍秋實偃柔枝。今年又見
踈花藥，恰恰鶯聲又一奇。

遊山城

清州

芳草襲芒屨，新晴風景涼。野花蜂嘒藥，肥蕨雨
添香。望遠山河壯，登高意氣昂。莫辭終夕眺，明
日是南方。

登無等山

光州

藹藹山光滴翠嵐，高低石徑暗檉楠。神祠佛宇
多喬木，天近星辰手可探。

圭峯蘭若

瀟洒巖扃靜高臺俯渺茫雨餘添石髮風靜落
松香遠岫明如髮晴川曲似腸謁來留半餉不
忍下禪房

松廣寺

一宿曹溪興味長遠公遺跡在禪房祖燈十二
今何處依舊空庭松檜涼

松逕

松逕人稀點綠苔豐干虎跡大於桎道傍枯樹
攢如戟知是開山手自栽

王

真樂臺

松枝糾曲蔭高臺長夏乘涼得得來那物最堪
真樂態夕陽山色鳥低回

虎臺

獰物護高僧妥尾不忍別如何世上人慕義心
莫切

曹溪樓

月色溪聲滿小樓箇中清味滌清愁繞軒綠樹
輕煙羃隔戶青山翠靄浮且喜身心俱獲落自
將天地一蜉蝣夜深會得禪家趣蟾影印潭撈
攬不

十二影堂

叢竹林中古影堂蕭然風骨盡龍章琉璃焰息
香灰冷恰似瞠眉欲舉揚

南原廣寒樓上聞笛

客館蕭條車馬稀小樓高壓夕陽輝一聲長笛
人如玉恰是姮娥奏羽衣

安慎院

風樹踈蟬咽晚涼客中秋興正茫茫老從頭上
旋旋過人向塵間日日忙智異尖峯高插漢帶
方踈樹老經霜此身正似浮雲遍將向天東望

大洋

八螺峴

逶迤山路少人行枯樹斜陽動客情老豹亡曹

啼曠野霜鷹趁兔下危棚半身落日歸辰樹嶺東

即新羅辰韓地也

一片高峯隔帶京

南原即古南帶方小京

世路

秋風正蕭索旅魂飄泊似懸旌

雲峯縣

小邑傍山麓人煙隔翠微洞深唯菽粟途遠絕

來歸霜栗風前落秋菘雨後肥逕深蔓草遍夕

露浣征衣

望智異山

穹崇高岫遠摩天水色山頭籠薄煙聖女祠前
巢俊鶻靈神峯下迸祥泉經霜红柿明山谷弄
日烏鴉噪野田此是濟羅爭戰境夕陽峯靄翠
相連

水疑
作樹

咸陽

秋風萍泛度咸陽滿眼山川入渺茫螺嶺殘雲
迷客思頭峯老樹惱人腸劉滄風景恨無盡許
渾蒹葭愁復長彷彿似秦關隘險三韓終不守
金湯

見巖寺

古木千年地禪宮何代開竹房僧掛錫松蓋鶴
留胎慰客新煎茗添香自撥灰浮生安足道个
是出塵埃

海印寺

古伽倻裏蔚伽藍千里雲山對面參鳥下庭莎
僧入定狙垂園樹樛羊矢方甘書巖碁閣何人
住即孤雲所遊之處風伯桐絲偶共談客裏計程仍不
寐夜深蘿月照松龕客有題于毗盧殿欲識華嚴不思議看取毗盧金殿

上桐孫風伯作檀那
四時不絕聲供養

流觴曲水舊址

寺前有舊址榛莽荒廢已為丘壠佳木
竹軒築門基深壑得之乃孤雲遊處

會稽修楔飲蘭亭千古風流事已冥何似孤雲
聚仙侶伽椰洞裏飲忘形

宕遊湖南錄後志

余既遊關東又抵湖南喜見老梅踈竹冬旄
猗蘭橘柚秋熟榷栢冬青亦一勝觀也至於
柿栗薑綿海國諸珍乃百濟所賴以富者也
其泉石之勝蓋蔑如也湖則碧骨律湖今已

河北遣人求訪迎歸母有痼疾藥餌必親嘗
母率水漿不入口者三日家無姬侍吳玠素
服飛願與交驩飾名姝遺之飛曰至上宵旰
豈大將安樂時却不受玠益敬服少好飲帝
戒之曰卿異時到河朔乃可飲遂絕不飲帝
初為飛營第飛辭曰敵未滅何以家為或問
天下何時太平飛曰文臣不愛錢武臣不惜
死天下平矣師每休舍課將士注坡跳壕皆
重鎧習之子雲常習注坡馬躡怒而鞭之卒
有取民麻一縷以束芻者立斬以徇卒夜宿

幕屬于鵬等從坐者六人初飛在獄大理寺
丞李若樸何彥猷大理卿薛仁輔並言飛無
罪高俱劾去宗正卿士儂請以百口保飛高
亦劾之竄死建州布衣劉允升上書訟飛寃
下棘寺獄死凡傳成其獄者皆遷轉有差歎
之將上也韓世忠不平詣檜詰其實檜曰飛
子雲與張憲書雖不明其事體莫須有世忠
曰莫須有三字何以服天下時洪皓在金國
中蠟書馳奏以為金人所畏服者惟飛至以
父呼之諸酋聞其死酌酒相賀飛至孝母留

涸矣而所儲者污萊數頃而已且居民之實
物產之富倍蓰關東此百濟之所恃以強而
所驕以亡者也至今民俗強悍見鬪則不能
屈下思欲圖報此百濟之遺風也但

聖化融洽仁澤滂沱海隅蒼生罔不繁庶既富
方穀人人進學變強剛之俗為孝弟廉恥之
域代出良材世輔

王室邊境無虞狼烟頓息此

聖朝至治之一瑞也癸未秋清寒志

梅月堂詩集卷之十一



